



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

16. De sacro corporali (cui in treme[n]dis imperijs imponitur corpus
Dominicum) flammis obiecto, in quod ignis vim suam exercere non potuit.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

Rupertus Tuitiensis Abbas, in libro de incendio oppidi Tuitiensis cap. 3. de sacro corporali, (cui in tremendis imperijs imponitur corpus Dominicum) flammis obiecto. in quod ignis vim suam exercere non potuit.

CAP. XVI.

DVM adhuc primas concessas sibi præde partes festius ignis voraret, vltius linguam prætedens cunctos luce maligna terreret, quidam de fratribus raptum è sacrario ferēs corporale Dominicum longo hastili supernè illigatum flammis obuius stetit, sperans quod tam sacra supellectili cessurus foret ignis, omnisque potestas inimici: Cumque tali modo non cederet ignis, ille persistēs fide non ficta & temeritate non improbanda, ipsum hastile cum corporali medijs flammis fortiter intrusit, aliquandiu agitans quasi sæuientem confoderet ignem, donec vsque ad ipsum prorupit flamma rebellis, eumque penè afflauit. Tunc demùm absistēs, & hastile quod tenebat partim ambustum, corporale autem illæsum, mirum dictu, & incontaminatum ignibus abstrahens, quantocius absoluit, & conuolutum flammis, quo potuit altius iniecit, optans & sperans, quod ex immisione eius domino volente opprimeretur, & deficeret quasi strangulatus ignis. At ille videlicet magnus, & à Deo permissus ignis miro modo corporale integrum occulta & incognita vi de medio sui reiecit, & longius repulit in eam villæ

villæ partem, quæ sibi concessa non fuerat, & ubi, sicut manifestum est, nociturus erat. Quæ non delectet tantum vidisse vel videre miraculum. Deniq; Corporale iam dictum sic integrum & illesum relatum est, ut tamē signum habeat non indecōrum, videlicet lineam subrufam, cum sit ipsum, ut prius erat, totum candidum. Hoc nimirum melius placet, quàm si nulla penitus incendij nota inesset, quia clarius ex hoc memoriale est, & inter omnem eiusmodi sacram supellectilē agnosci debet.

Rupertus Tuitiensis eodem libro cap. 4. de miraculosa Monasterij Tuitiensis ab eodem incendio protectione.

CAP. XVII.

CVM solutis habenis totum, ut iam supra dictum est, castellum intus & exterius possideret incendium, me procul sedente inter intactas ab igne domos, ita tamē ut spectare possem illud triste spectaculum, scilicet vndantia cacumina flammæ, stetit in editiore tecto, quod diceret, ardere ipsam sancti Urbani basilicam, videlicet sitam ante valvas monasterij parochianam Ecclesiam. Actū putavi, & de liberatione ipsius monasterij penè desperavi, nisi quod in memetipso canebat spiritus meus, in ira misericordiæ memor *Abac. 3.* ris. Deinde post moram non modicam coepit illud quoque intra memetipsum canere interior homo: Benedico te pater Domini mei IESU Christi, quia per filium tuum ignis extinctus